



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

III. Ait præterea Hincmarus Bellovacenses amisisse jus electionis, quoniam tres incongruos elegerant, ab Episcopis postea reprobatus. Vtitur autem auctoritate canonis Laodiceni.

urn:nbn:de:hbz:466:1-15617

I. Adseruntur verba Hincmaris, quibus responderet inepitis quorundam sermonibus, qui eligendum illum dicebant quem Rex velle. Ait autem, in electione Episcoporum assensionem Regis esse, non autem electionem, que pertinet ad Episcopos.

II. Aut praterea Hincmarus Belvacenses amississe juselectionis, quoniam tres incongruos elegerant, ab Episcopis postea reprobatos. Utitur autem auctoritate canonis Laodicen.

III. Eodem sensu canonem illum explicnerat idem Hincmarus in epistola ad Belvacenses. Ob electionem indigni, jus eligendi devolvitur ad Metropolitanum.

IV. Attamen Rex Ludovicus non cessit monius Hincmari; sed Odaci electionem pertinaciter propagnavit adversus Hincmarum.

V. Idem Hincmarus aperiè docet alibi quidnam Principi competat in electione Episcoporum, consensu videlicet.

VI. Describuntur ritus electionum, prout obtinebant auro Ludovici Pj & Karoli Calvi.

I. Sed in Galliis constantia Episcoporum factum est ut species faltem electionum, et si non vis integra, permanere; temperata regia auctoritate, & conciliata, quantum fieri potuit, cum jure canonico.

Quænam essent Ecclesiae & Principis partes in electionibus, post Capitulare Ludovici Pj, iuxta illius sententiam eleganter docet synodus congregata anno DCCCLXXXI. apud martyrium sanctæ Macræ, in literis quas per Episcopos transmisit ad Ludovicum III. Regem, cuius verba recitat Hincmarus in epistola duodecima editionis Sirmundi. Sed prius ponenda est species. Vacante Ecclesia Belvacensi, clerici & plebs elegit Fromoldum, insipientem & improbum hominem; quem synodus sibi oblatum repulit. Clerici vero & plebs ejusdem Ecclesie in Odoniseo munere indigni personam decreto suo consensit, quam ab ista synodo probari contendebat. Rex Ludovicus non solum consensum suum adhibuerat, sed Odonem quoque suggesterat eligendum. Synodus autem vetuita Episcoporum jura industrie accersit, Metropolitanu & Episcopis provincialibus electionem deberi, consensum vero clero & plebi. Ad Principe duo pertinere. Tum ut electionem fieri pertinentibus clero & plebi concedat. Tum, electione facta, ut facultates Ecclesie, quæ sub illius sunt tuitione, electi dispositioni committat, siveque literis ad Metropolitanum & coepiscopos ordinandum transmittat. Hæc sunt verba literarum synodi de causa Belvacensi apud Hincmarum: Ut sicut sacre leges & regulæ præcipiunt, Archiepiscopis & Episcopis conlimentarum diaconion electionem concedere dignemini; ut undecunque, secundum formam regularem electionis, Episcopi talem eligant qui & sanctæ Ecclesiæ utilis, & regno proficius, & vobis fi-

* Vnde lib. 2. C. 1. p. 109.
lib. 4. cap. 7. 3. 7.

delis ac devotus * cooperator existat; & consenserintibus clero ac plebe cum vobis adducant, ut secundum ministerium vestrum res & facultates Ecclesie, quas ad defendendum & tuendum Dominus vobis commendavit, sue dispositioni committed, & cum consensu ac literis vestris eum ad Metropolitanum Episcopum ac coepiscopos ipsius diaconos, qui eum ordinare debent, transmittatis, & sic sine scandali macula ad sanctum sarcinorum provehatur.

II. Ceterum respondet Hincmarus inepitis quorundam sermonibus, qui eligendum illum dicebant quem Rex velle: Nam se quod à quibusdam dicitur, ut audiri, quando petitam apud vos electionem conceditis, illum debent Episcopi & clerici ac plebs eligere quem vos vultis & vos iuberis; (que non est divine legis electio, sed humane potestatis extortio) si ita est ut dici à quibusdam audiui, ille malignus spiritus, qui per serpentem primos parentes nostros in paradiſo decepit, & inde illos ejecit, per tales adulatores in aures vestras hec sibilat; quia hoc in Scripturam tam veteris quam novi Testamenti non continetur, neque in catholicorum dictis, vel sacris canonibus, nec etiam in legibus à Christianis Imperatoribus & Regibus promulgatis hoc scriptum vel decretum invenitur; sed talia dicta infernus evomuit. Mox: Sic enim atavus vester Carolus & abavus Ludovicus Imp. intellexerunt. Et ideo in libro primo Capitularium suorum promulgaverunt scribentes. Adducit caput LXXXIV. cui subjungit decretum Celestini & can. xiiii. Laodicenum; & mox concludit: Attendendum est igitur qualiter hoc imperiale capitulum sacris regulis & antiquorum Imperatorum legibus congruat, offendens quoniam sicut leges & regulæ dicunt, in electione Episcopi assenso Regis sit, non electio, in Episcoporum vero executione sit electio, sicut & ordinatio. Solum assensum tribuit Regi post electionem, ut fecerat Florus.

III. Quoniam vero Rex gratissimum Belvacensi Ecclesie Odacrum esse Hincmaro scriperat, respondit iste Belvacenses dissiſse à jure electionis, quoniam tres incongruos elegerant ab Episcopis postea reprobatos. Perdiderant, inquit, electionem, sicut ostensum est illis in synodo, & per sacras regulas, non ulterius illorum, sed Episcoporum esse electionem, quam non praire, sed subsequi, & non se ab ea debere excidere. Et nunc contra regulas & leges, sine Visitatore presumperant electionem. Cum ex Laodiceno canone didicissent Episcopi electiones judicio Metropolitanu & provincialium Episcoporum committi, alium vero usum inductum videbant, nempe ut electio prius fieret à clero & à plebe, conabatur synodus apud sanctam Macram, exemplo Cabilonenſis Concilij

Fff iii

habiti anno sexcentesimo quinquagesimo, electiones episcopales revocare ad Episcoporum provincialium arbitrium. Ad quos eos maximè impellebat, ni fallor, Græcorum usus, qui canone edito in synodo contra Photium anno DCCCXX. (cujus acta Latinè publicaverat Anastasius) disertè firmatus fuerat. Licet enim illis canonibus nondum uterentur Episcopi Galli, ut factum postea, attamen præjudicio illo majores concipiebant animos ad vindicandam synodo provinciali Episcoporum electionem. Sed cum difficilis esset veteris illius juris plena restitutio, sic interpretatus est Hincmarus canonem illum Laodicenum, ut saltem locum haberet quando clerici & plebs indignum elegissent, quo casu devoluta esset electio ad Metropolitanum & Episcopos.

IV. Eodem sensu canonem hunc explicuerat Hincmarus epistola ad Bellovacenses in formula quarta in appendice tomī secundi Conciliorum Galliarum. *Prōnoscere vos denique volo, inquit, quia si personam à sacris canonibus deviam scienter nobis adduxeritis, non solum ex ea Pontificem non habebitis, verum etiam pro illicita electione, ut contemptos canonum, iudicium incurretis. Sed & nostro ac coepiscoporum nostrorum iudicio refusa rationabiliter electione vestra incongrua, talem secundum Laodicenses canones studebimus eligere qui vestris virtutis voluntatibus non valeat consentire.* Hinc trahi potest origo juris similis quod confirmatum est cap. VII. & XX. *De electione.* ubi ob electionem indigni jus eligendi devolvitur ad Metropolitanum.

V. Quare quod in fine epistolæ duodecima concludit Hincmarus, de casu speciali cleri & populi Belvacensis, qui electionis iure privati erant, intelligendum est: *Conveniant, sicut statutum secundum sacros canones fuit, in synodo, Episcopi, clerici, ac plebs Belvacensis Ecclesiæ, cum libero consensu vestro, sicut regium ministerium vestrum accet, & juxta legalem ac regularem formam electio exequatur, & ordinatio prosequatur.* Attamen Rex Ludovicus non cessit monitis Hincmari; sed potius auctoritate sua Odacrum elegit, neque se ab hoc proposito discessurum scripsit Hincmaro, donec in synodo universalis conflata ex suo & regnis fratrum suorum aliter definitur. Quod epistola sua ad Regem data graviter damnat Hincmarus, ut canonibus & legibus contrarium; & tandem, ut Ecclesiæ invasorem, excommunicatione plectit.

VI. Pro Carolomanno Rege, qui Ludovico successerat, Hincmarus admonitionem scripsit ad Episcopos; hæcque adnotavit capite quinto: *Qualiter autem consensu Principis terra, qui res ecclesiasticas divino iudicio ad iu-*

das & defensandas suscepit, electione cleri ac plebis quisque ad ecclesiasticum regimen absque ulla venalitate provehi debeat, & Dominas in evangelio & sacri canones aperte demonstrant, dicente Domino: Qui non intrat per ostium in ovile ovium, ille fur est & latro.

VII. Ceterum non erit inutile modum illum perscrutari quem temporibus Ludovici Pij & Caroli Calvi ejus filij sequerentur in electionibus clerici & populus, Episcopi, atque Principes, ut salva esset canonum auctoritas, cum bona Regum gratia. Illud vero non potest certius addisci quam ex variis epistolis & formulis quas in appendice tomī secundi Conciliorum retulit Sirmonodus, quem modum, ex illis collectum, hic contrahemus in pauca.

De obitu Episcopi monendus erat Metro-^{Form. i. & i.} politanus à clero & à populo Ecclesiæ va-
cantis, ut à Regis clementia liberam ac regu-
larem electionem illis obtinere fatageret.
Enimvero quoniam Visitator Ecclesiæ va-
canti dandus erat, qui electionis canonice fa-
ciendæ curam susciperet, Metropolitanus,
prius admonito Principe, gratum illi Episco-
pum pro eo munere gerendo delegabat. Vi-
sitatori vero per literas suas dabat in manda-
tis ut ageret cum clero & plebe Ecclesiæ qua-
tenus, remotis studiis, uno consensu virum
ali quem probatum eligerent, forma electio-^{Form. i.}
nis à canonibus praescripta publicè ante-
prælecta. Conventus autem ad faciendam
electionem constabat non tantum ex Cleri-
cis civitatis, sed etiam ex monachis monaste-
riorum parceret five dicceos, tum etiam
ex delegatis à Presbyteris rusticarum pa-
reciarum, qui Possefforum quoque mandata
deferebant, præter eos, laici nobiles (qui Vaf-
falli quoque dicuntur formula quinta) & ci-
ves urbis adesse debebant. Visitator vero
conventum adloquebatur. Ac primò qui-
dem concessam illi à Principe eligendi po-
tentatem denuntiabat, (ut factum tempore Lu-
dovici Imperatoris docet formula sexta) &
dein hortabatur ad opus istud sincerè obeun-
dum. Si vota consenserint in aliquem regu-
larem virum, id est, cuius actus & vita à cano-
nibus non discrepant, tunc urgente Visi-
tatore decretabat ab omnibus subscriptum de
ejus electione fiebat: quod Visitator per se,
aut per literas suas, ad Metropolitanum refe-
rebat, adjunctis aliquot è clero & plebe, qui
omnium vice testimonium electo ferre pos-
sent. Tandem Metropolitanus decretum il-
lud, à se prius probatum, ad Regem mitte-
bat, ejusque consensum expectabat. Quo sus-
cepto, literis suis evocabat coepiscopos
loco & die constituto ad ordinationem ce-
lebrandam: ubi fiebat examinatio canonica